



## PROCEDURA ZA STRANE DRŽAVLJANE ODOBRENJE ZA PRIVREMENI BORAVAK U BOSNI I HERCEGOVINI

Strani državljanin koji se smješta u ustanovu Villa Adriana, a nakon definiranja i potpisivanja Ugovora o smještaju, potrebno je da se obrati Uredu za strance u Bihaću (Služba za poslove sa strancima Ministarstva sigurnosti BiH – terenski ured Bihać, ul. Kralja Tvrtka br. 2, tel 037/228-564, 224-171 i fax 228-563) za provođenje sljedeće procedure:

1. podnošenje zahtjeva za odobrenje za boravak U Bosni i Hercegovini;
2. uplata takse u iznosu od 150,00 KM na račun 3380002210018390, svrha doznake: uplata za odobrenje privremenog boravka, primalac JRT TREZOR BiH, vrsta prihoda 722816, općina 003, budžetska organizacija broj 0923999. Napomena: na uplatnici mora biti navedeno da je lice koje traži boravak – lice koje plaća taksu;
3. priložiti jednu fotografiju veličine 35 x 45 mm;
4. priložiti kopiju pasoša čija je validnost najmanje tri mjeseca duža od perioda za koji se traži odobrenje za privremeni boravak;
5. potvrdu o prijavi boravka ukoliko se zahtjev podnosi u BiH (CIPS obrazac);
6. dokaz o osiguranim sredstvima za izdržavanje:
  - a. potvrda ili drugi dokument o stanju na bankovnom računu, ili
  - b. dokaz o visini penzije, ili ličnom primanju, ili
  - c. dokaz o posjedovanju nekretnine u BiH, ili
  - d. garancija državljanina BiH kojom potvrđuje izdržavanje stranca za vrijeme boravka u BiH uz dokaz o izvoru prihoda (notarski obrađena);
7. ljekarsko uvjerenje izdano najkasnije tri mjeseca prije dana podnošenja zahtjeva (moguće izuzeće ukoliko se podnosi zahtjev za produženje boravka);
8. dokaz o smještaju u BiH – Ugovor o smještaju u PU Villa Adriana Bihać;
9. dokaz o osiguranom zdravstvenom osiguranju u BiH:
  - a. dobrovoljno zdravstveno osiguranje, ili
  - b. putničko zdravstveno osiguranje, ili
  - c. osiguranje obezbjeđeno u skladu sa međunarodnim ugovorom o socijalnom osiguranju sa državom sa kojom BiH ima ugovor (Potražiti informaciju u Uredu za strance);
10. dokaz o nekažnjavanju i nevođenju krivičnog postupka – izdat od strane nadležnog organa države iz koje korisnik dolazi, najkasnije šest mjeseci prije podnošenja zahtjeva (moguće izuzeće ukoliko se podnosi zahtjev za produženje boravka);
11. dokaz o nekažnjavanju i nevođenju krivičnog postupka – izdat od strane nadležnog organa u Bosni i Hercegovini, ne stariji od šest mjeseci;
12. prije podnošenja zahtjeva za produženje privremenog boravka, dokaz o izvršenoj avansnoj uplati troškova smještaja u PU Villa Adriana.

**ROK ZA PODNOŠENJE ZAHTJEVA ZA PRIVREMENI BORAVAK U BOSNI I HERCEGOVINI JE NAJKASNIJE 15 DANA PRIJE ISTEKA ROKA BEZVIZNOG BORAVKA U BIH.**

Napomena: Produženje privremenog boravka vrši se po istoj proceduri uz već istaknute napomene. Po pribavljanju dozvole, korisnik se upisuje u knjigu stranaca koja se vodi u PU Villa Adriana.

*Onaj ko nas  
ne voli – nije  
nas još  
upoznao...*

